

Art. 45 – Referendum

1. Unu nùmunu de eletoris residentis, non prus bàsciu de su 15% de is iscritus me is listas eletoralis, podint preguntai, po chistionis de competèntzia comunali sceti, ca siant fatus referendum consultivus e propositivus.

2. Non podint èssiri fatus referendum po chistionis de tributis localis e de tariffas, espropriatzionis de siendas, ocupatzionis de urgèntzia, cunventzionis, nòminas, designatzionis e rèvocas, provedimentus po su chi pertocat su personali de su Comune, atividadis amministrativas vincoladas de leis statalis o regionalis e po cincu annus, is chistionis chi funt giai stètia postas in àterus referendum fatus prima cun èsitu negativu. Is referendum non si podint fai paris cun operatzionis eletoralis provincialis e comunali. Funt puru bogadas de sa potestadi referendària is chistionis chi s'inghiant:

a) Statutu comunali;

b) Regolamentu de su Consillu Comunale;

c) Pianu urbanìsticu comunali e strumentus urbanìsticus atuativus.

3. Sa pregunta de fai a is eletoris depit èssiri fàcili de cumprèndiri luegus e chi non potzat fai sbàllius;

4. Funt amìtias preguntas de referendum puru chi t'inghiant po chistioni àtus amministrativus giai aprovaus de is òrganus cumpetentis de su Comune, bogaus cussus chi pertocant a is cosas naradas apitzus in su comma 2.

5. Su Consillu Comunale aprovat unu regolamentu innoi funt stabilidas is proceduras de ammissibilitadi, is maneras de arragòlliri is firmas, comentis fai is consultatzionis, sa valididadi insoru e sa proclamatzioni de su risultau.

6. Su Consillu Comunale depit pigai a cunsideru su risultau de sa consultatzioni referendària intra trinta dis de sa proclamatzioni de is risultaus e providiri cun àtu formali po su chi pertocat a sa chistioni cosa sua.

7. Non si faint is cosas naradas in su comma apitzus chi no at partecipau a is consultatzionis sa mitadi prus unu de is chi ndi teniant diritu.

8. Su no arriciri is inditus aprovaus de is citadinus in sa consultatzioni referendària depit èssiri a manera crara arraxonau e deliberau de sa majoria assoluta de is consillaris comunali. Chi sa proposta, sutaposta a referendum, est aprova da sa majoria assoluta de is chi tenint diritu a su votu, su Consillu Comunale e sa Giunta non podint pigai decisionis contras a cussa.

